

SECONDA SESSIONE URDINARIA DI U 2021
RIUNIONE DI I 16 E 17 DICEMBRE 2021

2EME SESSION ORDINAIRE DE 2021
REUNION DES 16 ET 17 DECEMBRE 2021

2021 / E5/053

**REPONSE DE MONSIEUR LE PRESIDENT A LA QUESTION DEPOSEE
PAR MONSIEUR SAVERIU LUCIANI AU NOM DU GROUPE AVANZEMU**

Objet : Lingua Corsa

Vi ringraziau per sta quistione, una quistione ch'è vo cunniscite bè.

Tocca à e nostre ambizione sempre mantenute in fattu di pulitica linguistica. Òn sò cambiati i nostri scopi è ci emu da dà di manu tutti insieme per rinfurzalli torna. Hè puru oghje più cumplessa ch'è prima a situazione.

In quantu à a vostra dumanda, a sapete, ùn n'hè ancu firmatu u cuntrattu di pianu. Ci tocca à rammintà ch'avemu dumandatu à u Statu di duppià a so cuntribuzione pè a nostra lingua. Aviamu fattu issa scelta di primura tutti insieme.

In quantu à a furmazione, a sapete, avemu cunclusu un pattu per cuntinuà u pianu di furmazione di u primu gradu (è dumandemu dinù una valutazione di i risultati ottenuti). Ci tocca oramai à fà listessa pè u secondu gradu.

In quantu à i metudi d'amparera, vi ne arricurdate, avemu fattu un sforzu nantu à trè anni per finanzia u prugramma di pruduzione. Travagliemu stretti à u ritale CANOPE.

Impittemu nantu à dui genari d'ostaculi :

- tecnici, à u livellu di l'infurmatica (avemu sei mesi di ritardu)
- pulitichi, u retturatu ùn avendu fattu u sforzu aspettatu.

A sapete, parte a Rettrice, certu ùn eramu micca sempre d'accunsentu è ne puderemu parlà prestu cù u novu Rettore Jean-Philippe AGRESTI, professore di dirittu, corsu è bellu à capu di l'affari isulani. Spergu chì i nostri scambii seranu fruttuosi è di qualità. Piglieraghju cuntattu senza tricà.

In quantu à l'immersione : quì torna, u nostru parè ùn n'hè listessu à quellu di u governu. Rammentu quantunque ch'è no avemu ottenutu belle avanzate, arrimbenduci nantu à u ritale di e lingue regiunale. Avemu travagliatu di manera cullettiva è cullaburativa. Ci anu ricevutu u Primu Ministru Jean Castex è u Ministru Jean-Michel Blanquer cù Antonia Luciani è unipochi d'associ. Stù travagliu cullettivu duveria sbuccà nantu à una circolare specifica in e settimane à vene. L'andatura hè bona. À u mese di ghjennaghju puderemu presentà a nostra vulintà cumuna di rinfurzà a nostra pulitica à prò di a nostra lingua, lingua chì face populu. N'avemu bisognu più ch'è mai.